

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

## **ZAKLJUČAK**

o obustavljanju postupka

Sarajevo, Juni, 2010.  
godine

Broj: 01-05-26-28-47-II/09

Sarajevo: 14.06.2010.godine

Na osnovu člana 25.stav 1. pod e), člana 42.stav 2) Zakona o konkurenciji ("Službeni glasnik BiH", br. 48/05, 76/07 i 80/09) i člana 122. stav 2) Zakona o upravnom postupku ("Službeni glasnik BiH", br. 29/02, 12/04 I 88/07), a po usmenoj izjavi, datoj od strane punomoćnika privrednog subjekta Akt.online d.o.o. Fra Anđela Zvizdovića br.1 A/21, 71000 Sarajevo, Bosna i Hercegovina, advokata Branka Marića, Mehmeda Spahe 26, 71000 Sarajevo, na Zapisnik tokom održane javne rasprave dana 02.06.2010. godine, o odustajanju od dijela Zahtjeva za pokretanje postupaka od 04.09.2009.godine pod brojem: 01-05-26-028-II/2009, protiv privrednog subjekt Telekomunikacije Republike Srpske a.d., Banja Luka, Kralja Petra Karađorđevića 61-a, Banja Luka i privrednog subjekta BH Telecom d.d. Sarajevo, Konkurencijsko vijeće na 106. (stošestoj) sjednici, održanoj dana 14.06.2010.godine donijelo je slijedeći

## ZAKLJUČAK

1. Postupak pokrenut Zaključkom Konkurencijskog vijeća broj: 01-05-26-028-11-II/09 dana 16.02.2010.godine, protiv privrednog subjekta Telekomunikacije Republike Srpske a.d., Banja Luka i privrednog subjekta BH Telecom d.d. Sarajevo, zbog sumnje o postojanju zabranjenog sporazuma iz člana 4. stav 1) tačka d) i zloupotrebe dominantnog položaja iz člana 10. stav 2. tačka a), b) c) i d) Zakona o konkurenciji, a na osnovu Zahtjeva za pokretanje postupka privrednog subjekta Akt.online d.o.o. Fra Anđela Zvizdovića br.1 A/21 71000 Sarajevo, Bosna i Hercegovina;

a) Obustavlja se protiv privrednog subjekta Telekomunikacije Republike Srpske a.d., Banja Luka, u cijelosti,

b) Obustavlja se protiv privrednog subjekta BH Telecom d.d., Sarajevo, u dijelu koji se odnosi na sumnju o postojanju zabranjenog sporazuma iz člana 4. Stav 1) tačka d) Zakona o konkurenciji.

2. Ovaj Zaključak će biti objavljen u Službenom glasniku BiH, Službenim glasnicima entiteta i Brčko Distrikta Bosne i Hercegovine.

## Obrazloženje

Konkurencijsko vijeće je dana 04.09.2009.godine, pod brojem 01-05-26-028-II/09 primilo Zahtjev za pokretanje postupka (u daljem tekstu: Zahtjev), podnesen od strane privrednog subjekta Akt.online d.o.o. Fra Anđela Zvizdovića br.1 A/21, 71000 Sarajevo, Bosna i Hercegovina (u daljem tekstu: Podnosilac zahtjeva ili Akt.online), putem punomoćnika, zajedničke advokatske kancelarije Marić Branko, Ivanović Dijana, Dizdarević Višnja, Radovanović Predrag, Ezmana Hadžićević i Džana Smailagić-Hromić, Mehmeda Spahe 26, 71000 Sarajevo, protiv privrednog subjekta BH Telecom d.d. Sarajevo (u daljem tekstu: BH Telecom) i privrednog subjekta Telekomunikacije Republike Srpske a.d. Banja Luka (u daljem tekstu: Telekom RS), zbog sumnje o postojanju zabranjenog sporazuma iz člana 4. stav 1. tačka d) i zloupotrebe dominantnog položaja iz člana 10. stav 2. tačka a), b), c) i d) Zakona o konkurenciji i zloupotrebe dominantnog položaja iz člana 9. Odluke o definisanju kategorija vladajućeg položaja.

Konkurencijsko vijeće je dana 21.01.2010.godine, aktom broj: 01-05-26-028-9-II/2009 godine, Podnosiocu Zahtjeva, izdalo Potvrdu o prijemu kompletnog i urednog Zahtjeva, shodno članu 28. stav (3) Zakona.

Na osnovu dokumentacije dostavljene uz Zahtjev Konkurencijsko vijeće je ocijenilo da nije moguće bez provedenog postupka utvrditi postojanje povrede Zakona na koje Podnosilac zahtjeva ukazuje, te je donijelo Zaključak o pokretanju postupka dana 16.02.2010.godine aktom broj: 01-05-26-028-11-II/2009. Tokom postupka, obzirom da se radi o predmetu sa strankama sa suprotnim interesima, Konkurencijsko vijeće je, u skladu sa članom 39. Zakona, održalo usmenu javnu raspravu dana 02.06.2010.godine, tokom koje je punomoćnik, privrednog subjekta Akt.online d.o.o. Fra Anđela Zvizdovića br.1 A/21, 71000 Sarajevo, Bosna i Hercegovina, advokat Branko Marić, Mehmeda Spahe 26, 71000 Sarajevo, Bosna i Hercegovina, dao usmenu izjavu o odustajanju od Zahtjeva za pokretanje postupka od 04.09.2009.godine, pod brojem: 01-05-26-028-II/2009, u cijelosti protiv privrednog subjekta Telekomunikacije Republike Srpske a.d. Banja Luka, i u dijelu koji se odnosi na postojanju zabranjenog sporazuma iz člana 4. Stav 1) tačka d) Zakona o konkurenciji protiv privrednog subjekta BH Telecom d.d., Sarajevo.

U skladu sa izloženim u smislu člana 122. stav 2. Zakona o upravnom postupku, odlučeno je kao u dispozitivu ovog Zaključka.

### Administrativna taksa

Na ovaj Zaključak Podnosilac zahtjeva, u skladu sa članom 2. tarifni broj 108. stav 1. pod b) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH" 30/06) je obavezan platiti administrativnu taksu u iznosu od 500,00KM u korist Budžeta institucija Bosne i Hercegovine.

## **Pravna pouka**

Protiv ovog Zaključka nije dopuštena žalba.

Nezadovoljna strana može pokrenuti upravni spor pred Sudom Bosne I Hercegovine u roku od 30 dana od dana prijema, odnosno objavljivanja ovog Zaključka.

Predsjednik

dr.Stjepo Pranjić

Dostavljeno:

- Akt.online d.o.o. Sarajevo,
- BH Telecom d.d. Sarajevo
- Telekomunikacije Republike Srpske a.d. Banja Luka
- u spis
- arhiva